



Seizcou Angqyangz

快乐的秋天

Seizcou daeujdaengz lo.

Makbingzgoj doenghbaez heuyayau haenx aenvih dabsau seizcou daeujdaengz cix riu dwk najding lo; baenz roix baenz roix makit heugwd haenx riu dwk aendungx cungj gyaemq lo; dabsau makgam hix aeu swheij dajcang dwk henjrwgrw; couh lienx dahcej maksigloux bingzseiz mbouj haengj gangjvah haenx hix riu dwk bak dek bae.

Mbouj cij gijneix bw! Couh lienx daeggo mbawfaex hix aenvih dabsau seizcou daeujdaengz daj ndawrunj daxgoeng gofaex cak okdaej lo. Aenvih gaenj lai, daeggo mbawfaex lij ganj mbouj gib vuenh buhvaq. Ndigah de gig siengsim. Geij gaenj bw, dabsau seizcou seizneix couh bang mwngz vuenh geu buh henj ndaej fat ok rongh gim he. Couh yienghneix, mbawfaex youh cingsaenz miz rengz lo.

Ha, mwngz yawj! Dahcej mbawraeu youq gizgyae haenx hix daej doxcomz lo. Vihliux daej caeuq daihgya doxcomz, de lij genj geu buhnding cei q hab ndang he. O, geu buh haenx gojnaengz lij miz di saekheuj. Aenvih mbawraeu naeuz cij dwg saeknding mbouj ndei yawj geijlai. Gijneix mbouj hab gij funghgwz de. Ndigah de lij genj di saekhenj daej dajdaej.

Couh youq seizhaenx, gohaeux daegnuengx hix sou ndaej laex dabsau seizcou soengq hawj haenx— geu buhrog saekhenj he. Mboujgvaq, de mbouj ndaej daej caeuq daihgya doxcomz lo. Aenvih de deng bohlongz nungzminz sou ma ranz lo. Yawjraen de angqvauvau, couh mbouj bae gyauxca de luba.

Naeuz gyaex seizcin roeg ciuz va hom, gou engq gyaex seizcou ndaej sou haenx. Vih maz ne? aenvih de miz soucingz, daiq hawj raeuz angqyangz lailai daihdaih.

(Mungz Yiz)

Roeglwg Hag Caux Rongz

小鸟学筑巢

Roeggacak dwg boux caux rongz cei q ak ndeu. Ngoenzneix, roegga lwg, roeglaej lwg caeuq roegenq lwg guhdoi h daej caeuq roeggacak hag caux rongz.

Raen gyoengq roeglwg daej, roeggacak angq raixcaix, naeuz: “Caux rongz aeu cien sim cien ei q, mbouj ndaej lau sinhoj bw.”

Roeggacak hainduj son baenzlawz caux rongz. De sien mbin bae gamz namhniu daej, menhmenh caij baenz aen bingj nduen ndeu, caij loengh cungqgyang mboep roengzbae. Youh caij bae gamz di nyefaex dinj daej, cuengq youq sei qhenz aen bingjinamh. Roegga lwg yawjraen gijneix, sikhaek angqfwngfwng swenj gaga naeuz: “Gou rox baenzlawz caux rongz lo! Gou baema swheij gag caux rongz lo!” Gangj dwk, mbouj caj bouxlawz gangj gijmaz, couh sikhaek mbin deuz lo. Yienghneix, roegga baema caux gij rongz haenx cij dwg aen gyaq yungh nyefaex dap baenz ndeu, caux ndaej cei q yaez lo.

Roeggacak cie p daej youq gwnz nyefaex daz caengz namh ndeu, aeu bak dawz gij namh loengh ndaej youh bingz youh wenj, caij gamz di nyefaex iqet raezreng daej loengh gungj le, cuengq youq sei qhenz rongz bae. Roeglaej lwg yawj daengz gijneix, couh angq dwk bek fwed bywngbywng, swenj cici caca, naeuz: “Gou rox lo, gou gaenq hag rox caux rongz lo!” Gangj le hix mbin deuz, gag bae caux rongz lo. Ndigah, daengz seizneix, roeglaej caux gij rongz haenx, yawj hwnjbae baihrog venj miz di nyefaex gungjgeu, hoeng, baihndaw lij cocatcat nyapnyangnyang.

Gyoengq doengzdoh cungj mbin deuz lo, hoeng, roegenq lwg mbouj vueng mbouj muengz, de caemdingh youh nyinhcaen, laebdaeb yawj roeggacak lij baenzlawz guh dem.

Roeggacak daxheiz gaenq baeg lai lo, hoeng, de baez yawj raen roegenq lwg baenzneix nyinhcaen hagsib, couh youh

riengjret mbin okbae lo. De gamz di nywj unqnepnep ma, daeh di haz rozrwdrdw saeqsisi daej, bu ndaw rongz bae yaenzywdywd.

Roeggacak daxheiz baeg ndaej hanh lae hanh roenx, roegenq lwg bang roeggacak uet hanh. Roeggacak angq dangqmaz, doi q roegenq lwg yaepyaep da, naeuz: “Yienghneix, vuenvwtvwt raeujrubrub, aenrongz cij suenq caux baenz lo.”

Roegenq lwg cam: “Daxheiz, gou rengz iq lai, moix bi lij daj gizgyae dauqma, miz gijmaz banhlap caux aenrongz youq ndaej nanz lwi?”

Roeggacak haenx naeuz: “Caen dwg boux lwgnyez ndei gaenx hag youh haengj doengh uk ndeu! Ndei, cijaeu nyinhcaen naemj itdingh miz banhlap ndei.”

Roegenq lwg naemj ha naemj, de raen aenranz bouxvunz hunghaenghaeng sangngaungau, couh mbin haeuj laj yiemhranz vunz youq haenx bae caux rongz. Yienghneix, aen rongz roegenq yawj hwnj bae lumj aen vanj laeg ndeu, youh maenhgeng youh gyaunde, youh mbouj deng fwn rwed, youq haujlai bi cungj mbouj vaih.

(Ganh Sozywnz bienhoiz)



Roegenq ranz gou miz haujlai ngoenz mbouj dauqma lo. Gou simgip dwk cam daxmeh: “Meh, roegenq lij dauqma lwi?” Daxmeh riu dwk naeuz: “Daengz seizcin mbwn raeuj roegenq couh gag dauqma lo.” Gou soeng gaemz hei q he lo.

Gei q ndaej bineix seizcin, yiemhranz ranz gou lai miz aen rongz roegenq he. Song duz roegenq mbin haeuj mbin ok, nyaengq bae nyaengq dauq. Geij ngoenz le daxmeh roegenq couh youq ndaw rongz mbouj ok daej lo, cij miz daxboh roegenq youq henz rongz simgaenj hen dwk. Gou buen aenlae he daej bin hwnj bae laeglemx yawj, laxlawz ndaw rongz miz geij aen gyaegroegenq. Gou simgaenj caj buenq ndwen, geij duz roegenq lwg bwnyummyum faeg okdaej lo, gou angqvauvau aeu aen siusik ndei neix lwnh hawj daengx ranz vunz nyi.

Gou sijsaeq cazyawj, roegenq lwg daengx ndang maj miz bwnmong, song lwgda laep gig ndaet, aen bakhenj aj hung raeuh, gyoengqde



cingq caj daxboh daxmeh soengq gijgwn daej bwnq. Daxboh daxmeh roegenq engq nyaengq lo, aenvih geij

Roegenq Youq Ranz Gou

燕子住我家

lwg roegenq neix gwn ak lai.

Gvaq duenh seizgan he, roegenq lwg duet geu buh mong bae, vuenh daenj geu buh ndaem, duzdud ndwn youq henz rongz saenzheiq dangqmaz.

Caj bae caj dauq, caj daengz roegenq lwg hag mbin lo, miz lwg roegenq diuqbeiz he mbouj siusim daj ndaw rongz doek roengzdaej, daxboh daxmeh roegenq itmienh hemq itmienh youq gyangmbwn gvaengxvax. Gou caeuq daxbuz yawjraen lwg roegenq youq gwnz dieg cukcak, song boux dou ganjgip

buet gvaqbaez, gou yaengyaeng umj aeu duz roegenq lwg saenzdedded haenx hwnj, itmienh lumh duzde itmienh nai naeuz: “Roegenq lwg gaej lau, seizneix gou couh soengq mwngz ma ranz.” Daxbuz buen aenlae daej, gou umj roegenq lwg siusim riri bin hwnj lae bae, menhmenh cuengq roegenq lwg roengz rongz bae lo.

Gou yawjraen rongz roegenq neix youh dauq ndaej doxcomz, dingq gij sing gyoengqde heuh cici caca, sim gou beij gwn dangzrwi lij diemz.

(sam nienzgaep Cangz Gizginj)